



Mali sariyaba(sariyasunba)

min tara feburuyekalo tile 25 san 1992

Kɔnɔkɔw

ɲɛbila

Dakun fɔlɔ : Mɔgɔ josariyaw ni ketaw kunkan

Dakun II : jamana ni setigiya kunkan

Dakun III. jamana peresidan kunkan.

Dakun IV. Guwɛrɛnɛman kunkan

Dakun V. Depite bulon kunkan.

Dakun VI. Guwɛrɛnɛman ni Depite bulon cɛla kunkan.

Dakun VII. Kiiritigɛ setigiya kunkan

Dakun VIII. Sanfɛdan kiiribulon kunkan

Dakun IX. Sariyabaju kɔlɔsili kiiribulon kunkan

Dakun X. Wasadenya sanfɛ kiiribulon kunkan

Dakun XI. Fasodenya tiladaw kunkan

Dakun XII. Fasodenya sanfɛbulon kunkan

Dakun XIII. Sɔrɔ ni ɲɛtaa ni kodɔn bilasirabiro kunkan.

Dakun XIV. Mali ni jamana wɛrɛw cɛ benkanw kunkan

Dakun XV. Farafinna kelenya kunkan

Dakun XVI. Sariyabaju segɛsegɛli kunkan

Dakun XVII. Kuncɛli labenkanw kunkan

Dakun XVIII. wete Furance labenkanw kunkan

SETEYE SIPE ka Dantigekan N° 92-0731 P-

Ka jɛsin sariyabaju jensenni ma

Ka ben ni SETEYE SIPE ka koba N°1 Marisikalo tile 31 Mars 1991 san ye, Mali jama cidenw ye nin jensen

Mali fasodenkulu ye nin ɲaniya ta, a jantolen Sanfedan kiiribulon ka feburuyekalo tile 14san 1992 dantigeliseben N° 002 la, min be zanwuyekalo tile 12 san 1992 sariyabaju fetapini jaabiw jensen

Fasodenkulu lakana jekulu jɛmɔgɔba ye nin sariyabaju jensen min b'a fɔ ko: jɛbila

Mali fasojamakulu, min ka fanga bɔra a ka cɛfarinyakele tɛmenenw na, mɔgɔ bɔnɔnnen minnu y'u yere di walasa sariyabato fanga ni jemufanga ka sira sɔrɔ, n'a b'a jini a kana olu ka sira fɔlen jenge,

- ko a ɲaniya ye ka marisikalo tile 26 san 1991 wulikajo sɔrɔtaw mara ni k'u sinsin,

- b'a kandi beɛ jɛna k'a be jamanafanga ka forobaya ni diinekelen landibaliya latanga,

- b'a ka cɛsiri ganse ka jɛsin muso ni den ka josariyaw ma, ani jamanakuluw ka kanw n'u ka seko yamaruya,

- be segin k'a ka cɛsiri jira ka jɛsin jamana kelenya marali n'a matarafali ma,

- b'a kandi k'a be fusamanciya jini balocogo la beɛ ye, ka sigida lakana ani ka seko fatiyenw latanga,

- b'a bolonɔ bila diyen benkanba seben kan ka jɛsin mɔgɔw ka josariya ma, min tara desanburukalo til10 san 1948 na, ani farafinna benkan ka jɛsin mɔgɔw ka josariya ma, min tara zuwenkalo tile 27 san 1981na.

- b'a ka cɛsiri fɔ ka Farafinna kelenya matarafa, ka jɛsuma jɛpini, ka jekabaara don a ni laminijamanaw walima jamana werɛw cɛ, ka kelew nɔgɔsira jini jamanaw ni jɔgɔn cɛ, sariya, danmakeɲɛ, yereya, ni jamanaw ka yeremase kɔnɔ.

Dakun fɔlɔ : Mɔgɔ josariyaw ni ketaw kunkan

sariyasen fɔlɔ

Mɔgɔ ye fɛn bonyata ye, dankari tɛ se ka kɛ min kan.

Mɔgɔ fɛn o fɛn ni si, yɛrɛya, lakana ani a farisogo dafa ka kan.

Sariyasen 2.

Maliden bɛɛ bɛ dama ka kan yɛrɛya, jo ni ketaw la, u bangetuma.

Wolomani fɛn o fɛn sinti ye woloyɔrɔ, farikolo jɛ, kan fɔta, siya, cenimusoya, diine walima miirinaw ye, o wolomani kɔnnen don.

Sariyasen 3.

Maa si ma kan ni nimatɔrɔ, walima dankaricogo jugu ye, minnu bɛ tanga bɔ a tigi la.

Mɔgɔ o mɔgɔ, walima jamanafanga baarakɛla fɛn o fɛn, min minɛna o ko sugu kɛli la, a kɛr'a yɛrɛ ka kolabennen ye o, a kɛra mɔgɔ wɛrɛ ka lasuli fɛ o, o bɛ jangi ka ben ni sariya fɔcogo ye.

Sariyasen 4.

Mɔgɔ o mɔgɔ, o dagalen bɛ ni miiri yɛrɛya ye, ni dannaya yɛrɛya ye, ni diine yɛrɛya ye, ni batofɛn yɛrɛya ye, kumafɔta yɛrɛya ni fɛndilan yɛrɛya ye, n'a ma sariya sɔsɔ.

Sariyasen 5.

Jamanafanga bɛ yɛrɛya ninnu yamaruya k'u lakana : taanikasegi yɛrɛya, dagayɔrɔ yɛrɛya, tɔndenya yɛrɛya, tɔnsigi yɛrɛya ni yɛrejiran yɛrɛya.

Sariyasen 6.

Siyɔrɔ, baarayɔrɔ, gatigiya, ciseben gundo, cikan tɛ se ka tige mɔgɔ si la. Maga tɛ se ka kɛ olu si la, n'a ma kɛ sariya siratige la.

Sariyasen 7.

Sɔn kɛra ni sebenni yɛrɛya ye, k'a lakana. Nka a bɛ laboli sariya siratige la. Fanga bonda dɔ sigilen bɛ ka mɔgɔw bɛɛ lakanya jamana ka kunnafonisow tɔnɔbɔli la. Sariya kɛrenkerennen dɔ b'o sigicogo dantige.

Sariyasen 8.

Sɔn kɛra ni nisɔndiyafɛn walima laadafɛndilan yɛrɛya ye k'u lakana. Olu bɛ laboli sariya siratige la.

Sariyasen 9.

jɔngili bɛ da kojugu kɛbaa yɛrɛ de kan.

Mɔgɔ si tɛ se ka nɔmine, k'a mine walima ka datugu n'a ma sɔrɔ sariya dɔ talen don ka kɔn a ka ko kɛlen jɛ.

Siganamɔgɔ(bisigilen) fɛn o fɛn bɛ jati mɔgɔjɛlen ye, fo kiiritige fanga yamaruyalen k'a ka fili sɛmentiya.

Lafasali jo bɛ bɛɛ bolo, hali n'a ka d'a ye k'a dungonalafasabaa sugandi, kabini siganna nininiw damine na.

Sariyasen 10.

Mɔgɔ o mɔgɔ bɛ jininikɛfanga bolo, o yamaruyalen bɛ k'a jɛnadɔgɔtɔrɔ bila k'a lajɛ.

jininikelaw ka minɛni siratigɛ la, mɔgɔ si ka minɛni man kan ka temɛ tile fila kan, fo a ka sɔrɔ kiiritigɛfanga mɔgɔ jɔnjɔn dɔ y'o yamaruya.

Maa si ka minɛni tɛ se ka kɛ kaso ye ni kiiritigɛfanga mɔgɔ jɔnjɔn dɔ ma yamaruyasɛbɛn dɔ d'a kan.

Sariyasen 11.

Ko o ko ma kɔn sariya fɛ mɔgɔ tɛ se ka bali k'o kɛ, wa mɔgɔ si tɛ se ka wajibiya ka ko kɛ sariya ma min da i kan.

Sariyasen 12.

Maa si tɛ se ka diyagoyagen ka taa tunga la.

Mɔgɔ o mɔgɔ, ni degun dar'i kan ka da i ka dugudɛnya ni diinɛ kan, walima i ka siya, olu bɛɛ bɛ jatigiya sɔrɔ Mali kɔnɔ.

Sariyasen 13.

Baarada dayɛlɛ ye jo ye min lakananen don. N'i ya mɛn i bolofɛn minɛna i la, a ka sɔrɔ jama mago de ser'a ma walima nɔnabila hakɛman dar'i tege

Sariyasen 14.

Baarada dayɛlɛ yɛrɛya bɛ bɛɛ bolo, n'a ma kɛ ni sariyaw sɔsɔli ye.

Sariyasen 15.

Mɔgɔ bɛɛ ka kan ni sigida sanuyalen ye. Lakana, sigida lakana, ni fusamanciya yiriwali ye bɛɛ ka kɛta ye, ani jamana fanga ta ye.

Sariyasen 16.

Ni kasaara ye jamana don, jamaden bɛɛ ka kɛta ye k'i sendon a kunbenni na, sariya ka fɔcogo la.

Sariyasen 17.

Kalan, degeli, jɛjara, baara, jatigila, jɛnajɛ, kɛnɛya ni mɔgɔya lakanna ye jo dagalenw ye.

Sariyasen 18.

Jamanaden bɛɛ ka kan ni kalan ye. Foroba kalan ye waajibi ye, a fulama, ani diinekɛlɛn landibali ta.

Sariyasen 19.

Baara ni lafiyenwaati dagɛlɛn bɛ bɛɛ ye, wa bɛɛ n'a ka kan. Baara ye jamanaden bɛɛ ka kɛta ye nka mɔgɔ si tɛ se ka diyagoya baara kɛrɛnkɛrɛnnɛn dɔ kɛli la, ni foroba nafa ka ko tɛ. O baara sugu, bɛɛ ka kan o la, sariya ka fɔcogo la.

Sariyasen 20.

Jɛkulu lafasatɔn yamaruyalen don. Dan kɛlɛn min bɛ jɛkulu lafasatɔnw ka baara kɛli la, o ye ka sariya sɔsɔ.

Sariyasen 21.

Mali sariyaba

Baaraseme yamaruyalen don. Baaraseme be waleya sariya ni dantigelianw ka kadara kono.

Sariyase 22.

Jamana lakanabaara ye Fasoden bee ka keta ye.

Sariyase 23.

A waajibiyalen don fasoden bee fe u ka jama bee niya nini. Fasobaara ni nafolobo fen o fen y'a ka keta ye, a ka kan k'olu ke.

Sariyase 24.

Nin sariyaba batoli waajibiyalen be Mali fasoden ni Mali jamana sigibaa bee kan.

Dakun II. jamana ni setigiya kunkan

Sariyasen 25.

Mali ye jemufanga ye, yerɛya tigi, yeremase tigi, tilabali, jemufangama, diinekelenlandibali ni mɔgɔyata.

A taabolo ye jama ka Guwerenɛman waleyalen, a yerɛ fɛ, a yerɛ nafa kama.

Jemufanga fangadaw ye ninnu ye :

- Jamana peresidan ;
- Guwerenɛman ;
- Depite bulon ;
- Sanfɛdan kiiribulon ;
- Sariyaba kɔlɔsili kiiribulon ;
- Wasadenya sanfɛ kiiribulon ;
- Fasodenya tiladaw ladilisoba ;
- Sɔrɔ ni netaa ni kodɔn bilasirabiro.

Jamana nɔbilafini ye finisira jɔlen saba, si man bon ni si ye, u nɛ ye binkɛnɛ, sanujinɛ ni bilenman ye.

Jemufanga kalikan ye jama kelen, kuntilenna kelen, dannaya kelen.

A fasa dɔnkili ye Mali man'a kan bɔ.

Sariya bɛ Benkanfanga bolonɔ ni a taamasiyenw dantigɛ.

Tubaabukan ye kanjɛ ye

Sariya na fasokanw yiriwacogo n'u kanjɛya dantigɛ.

Sariyasens 26.

Jamana ka yerɛse ye jamanadenw bɛɛ de ka bila la. Olu bɛ wasadenw dɔ bila a waleyali la, nka a bɛ se k'a boli awɔ-ayi wote fɛ.

Faso jekulu si walima a mɔgɔ si tɛ se k'a k'i kelen ta ye.

Sariyasen 27.

Bɛɛ sen bɛ wote la, bɛɛ n'a ka kan, gundo la. Fasoden o fasoden, n'i si sera, n'i ka mara ni fasodenya jo b'i bolo, i sen bɛ wote la.

Sariyasen 28.

Paritiw de bɛ jen ka wote jaabi di. Ka ben ni sariya ka fɔcogo ye, u b'u laben k'u ka baaraw kɛ. U waajibiyalen don ka jamana ka yerɛse, jemufangaya, dugukolo tilabaliya, jamana kelenya ni diinekelenlandiya labato.

Dakun III : jamana peresidan kunkan

Sariyasen 29.

Jamana peresidan de ye jamana kuntigi ye. Ale de ye sariyaba kolosibaa ye. Ale de ye jamana kelenya taamasiyen ye. Ale de be yamaruya di jamana yereya la, jamana tilabaliya, Mali ni jamana werew ce benkanw la. A b'i janto jamana baaradaw ka taabolo banbanni kan, ani fanga ka to senna.

Sariyasen 30.

Jamana peresidan be ta san duuru de kama. Mogo o mogo n'a togola wote don. Ceba min ka mogow mana caya, tako folo ni tako filanan na, o be k'a ye. A te se ka teme tako fila kan.

Sariyasen 31.

Mogo o mogo b'a fe k'i kanbo jamana peresidanya nefe, o ka kan ka soro a wolola Mali denya la, wa a ka josariya ka k'a bolo, jamanadenya ta ni fangajini ta.

Sariyasen 32.

Tile mugan ni kelen walima don binaani, ka kon don peresidan ka fanga banni je, peresidan sigi be boloda.

Sariyasen 33.

Sariya de be peresidan tacogo, a takan, ceba doncogo, wotekow temecogo, jaabiw dancogo n'u jensencogo, o bee fo.

Feere o feere be ta walasa wote ka ke yereya ni jelenya konso, a b'olu jepini. jamana peresidanya be di mogo ma, min tabaa ka ca ni bee ta ye. Ni si ma sago keme tilako bi-duuru la, tako filanan be ke o nakan dimansi. Nka mogo fila min tabaaw ka ca tali be ke olu doron de ce.

Ni olu la kelen y'i senbo, mogo min tun tugulen b'u la, o be kebo filanan.

N'a sorola ko mogo do kelen k'a ka ceba jensen tile bisaba ka kon a don je, n'o sara tile wolonwula ka kon dandon je, walima ni baliko do kera, Sariyaba kolosili kiiribulon be se ka wote bo a don ma.

takofolo kelen ko, mogo fila minnu ye je soro, n'olu kelen sara walima ka bali, ni do were ma senbo, Sariyaba kolosili kiiribulon be se k'a fo ka segin woteko bee kan.

La Sariyaba kolosili kiiribulon contrôle la régularité de ces opérations, statue sur les réclamations, proclame les résultats du scrutin.

Wotekelaw be kiri wote la guwereneman ka sigi dantigelikan do fe. Sariyaba kolosili kiiribulon be o baara taabolo jumanya kolosi, ka kiirisebenw jatemine, ka jaabiw jensen.

Sariyasen 34.

Jamana peresidan joyoro ni baara si te te se ka je ka ke, a kera fangajini ta wo, a kera wasaden ta ye wo, a kera baara were ni nafasorosira fen o fen ye wo.

Sariyasen 35.

K'a to fanga la, jamana peresidan te se ka jamanafanga bolofen si san walima k'a sofuru, hali n'a temena mogo were fe. Sanfedan kiiribulon doron de be se k'o yamaruya kerenkerennen di ka ben ni sariya focogo ye.

A te se ka walima foroba walima kenyereye sugujo ke ka di jamanafanga baaradaw ni fangaso si ma. A te se ka mogo were ci o keli la.

Sariyasan 36.

Ni jamana peresidan balila waati la k'a baara keta ke, a ka sew be di Minisiri jemogo ma.

Ni depite bulon ye Sariyaba kolosili kiiribulon lasomi, o k'a sementiya ko jemufanga peresidanya lankoloyara pewu, a kun mana ke fen o fen ye, jamana peresidanya be di Depitebulon jemogo ma. Peresidan kura be sigi san duuru kama.

Peresidan kura sigili be ke tile mukan ni kelen, a dogyalen walima tile binaani, a cayalen, jatemine kelen ko fanga lakolonyara bada kama.

Ni balilako kera, walima lakolonyali, sariyaba in sariyasan 38, 41, 42, ni 50 te se ka waleya tun.

Sariyasan 37.

Tile tan ni duuru wote jaabiw jensennen ko, peresidan talen be fanga ta. A donto fanga la, a be nin kalilikan fo Sanfedan kiiribulon jena.

"N be n kali Ala jena, ani Mali jamanadenw jena n si bee la, ko n be jemufangaya lakana, ka sariyaba ni sariya to bato ni ka mogow bila u batoli la, ka n joyoro fa jama nafa kama, ka jemufanga bonnaw latanga, ka jamana kelenya, faso ka yeraya ni dugukolo dafali jenamaya.

N be n kandi bee jena ani danbe kan, ka n seko bee ke walasa ka Farafinna kelenya waleya".

O kalikan be ke san o san.

Sariyasan 38.

Jamana peresidan be minisiri jemogo ta. A b'o ka baara lajo don min na o mana guwereneman ka baara bila fo a ye.

Ni minisiri jemogo ka deme ye, a be Guwereneman mogo tow ta baara la, ka tila k'u bo baara la.

Sariyasan 39.

Jamana peresidan be minisiriw ka sigi jemogoya ta. Nka minisiri jemogo b'a joyoro ta cogo min na, sariyaba in b'o latige.

Sariyasan 40.

Jamana peresidan be sariya yamaruyalenw forobaya tile tan ni duuru konko ka tugu guwereneman ka cili la a ma.

Yanni o waati ka teme, a be se k'a jini Depitebulon fe u ka segin segesegeliw kan ka jasin sariya yere ma walima a sariyasan dow ma.

O segesegeli te se ka bo a ma, o de be sariya forobaya lasegin kofe.

Nka ni teliyakun be, o waati be se ka bila tile segin doron na.

Sariyasen 41.

Guwɛrenɛman walima depitebulon ka hakililadi kɔfɛ, Sariyaba kolɔsili kiiribulon fana ka fɛta fɔlen jamana tɔgɔlakunnafonniseben kɔnɔ, jamana peresidan bɛ se ka jama feta jini awɔ-ayi wote dɔ sen fɛ ko kan min bɛ tali kɛ jama nafa kan, fanga labencogo kan walima bolonɔ dali benkanseben dɔ kan, n'o tɛ sariyaba sɔsɔ nka a kɛbaliya bɛ fiyen bila baaradaw taabolo kan. Awɔ-ayi wote mana sɔn o ko kan, i ko sariyasen 40 ye don hake min fɔ, jamana peresidan bɛ o ko forobaya.

Sariyasen 42.

A kelen ka Minisiri jɛmɔgɔ ni depitebulon jɛmɔgɔ kumajɔgɔnya jamana peresidan bɛ se ka depitebulon ci. O kɔ, tile mugan ni kelen, a dɔgɔyalen walima tile bi naani a cayalen, wote bɛ kɛ. Depitebulon tɛ se ka ci a sigisan kɔnɔ.

Sariyasen 43.

Jamana peresidan ka ciw bɛ lase Depite bulon ni Fasodenya sanfɛbulon ma bataki dɔw de fɛ. N'a y'a sɔrɔ olu ka tɔnsigiw tuma tɛ, u bɛ jɔgɔnye kɛrɛnkerɛnnen dɔ kɛ.

Sariyasen 44.

jamana peresidan ye kɛlebolo jɛmɔgɔba ye. jamana sanfɛKɔrɔsigijekulu ni lakana jekulu jɛmɔgɔba don.

Sariyasen 45.

Jamana peresidan ye kiiribolo Kɔrɔsigijekulu jɛmɔgɔ ye. Jamana ka yafasɔrɔli waleyali b'ale de bolo. yafasɔrɔli sariya bɛ bɔ ale de yɔrɔ.

Sariyasen 46.

Jamana peresidan bolonɔ de bɛ bila peresidan cikan ni dantigɛkanw la minnu mana ta minisiri sigi sen fɛ. Ale de bɛ mɔgɔ bila jɔyɔrɔbaw la, a kera mɔgɔgansan ye wo, a kera finitigi ye wo. Jamana medaye dibaa, sɔrasi jɛmɔgɔw, lasigidenw ni cidenw, maraw kuntigiw, baaradabaw jɛmɔgɔw bɛ bila jɔyɔrɔ la dantigelikan dɔw de fɛ minnu bɛ ta minisiri sigi senfɛ.

Sariyasen 47.

Sanfɛdan kiiribulon kɔnɔ mɔgɔ bɛ bila baara la dantigelikan dɔw fɛ, minnu bɛ ta minisiri sigi senfɛ.

Sariyasen 48.

Jamana peresidan bɛ jamana wɛrɛ lasigidenw bisimila ani ka Mali cidenw ka cikanseben d'u ma. Jamana wɛrɛ lasigidenw ani jamanabaw ka cidenw bɛ ci ale de ma.

Sariyasen 49.

Jamana peresidan de be minisiri kumajogonya sigi do senfe ka soro ka dankari ni teliyako farati dantigeli ke.

Sariyasan 50.

Ni dankari kera nin ko do la, benkanfanga baaradaw, faso yereya, jamana dugukolo dafali, benkanw matarafali jamana peresidan be feere kerengerennen dow ta k'u kunben. Nka a be minisiri jemogo, depitebulon jemogo, fasodonya sanfebulon jemogo ni Sariyaba kolosili kiiribulon jemogo hakililata jini folo. A ka kan ka kuma ta ka fasodenw kunnafoni.

Se kerengerennen minnu be di jamana peresidan ma, o man kan ka fiyen bila jamana yereya ni jamana dugukolo dafali la.

Se kerengerennenw kun ye ka jamanafanga to senna ani ka baaradaw lawuli u kecogo koro la, waati surun kono, Ka ben ni sariyaba fecogo ye.

o waati kono, Depite bulon be a ka tonsigiw ke a sago ma, wa a te se ka ci.

Sariyasan 51.

Jamana peresidan be se k'a ka se dow bila minisiri jemogo bolo kan. Seben minnu be ke jamana peresidan ka baara kelenw kan, minnu te sariyasan 38, 41, 42, 45 ni 50 kono ani sariyasan folo dakun folo kono, Minisiri jemogo bolono be se ka bila olu kan fana, a be se ka ke minisiri were ta ye.

Sariyasan 52.

Jamana peresidan ka sara ni peresidan korow danbemaw ka nisondiyalan be latige sariya fe.

Dakun IV : Guwereneman kunkan

Sariyasan 53.

Guwereneman be jamana fanga taabolo latige, mara ni maramafentigi b'o de bolo kan.

Sariyasan 54.

I ko sariyasan 78 ni 79 y'a fo cogo min, Guwereneman be nefoli ke depitebulon ye.

Sariyasan 55.

Minisiri nemogo ye Guwereneman nemogo ye, o siratige la a be Guwereneman ka baaraw kolosi.

Ale de be sariyaw laboli. K'a ni bo sariyasan 46 ka folen la, a be kow taabolo kolosi. A be jamana lakana fanga labolili nemogoya ta.

A be se k'a ka se dow labila a ka minisiriw ye.

I ko sariyasan 44 y'a fo cogo min, a be jamana peresidan nonabila Korosigijekulu ni lakana ton nemogoya la.

A be se k'a nonabila minisiriw ka tonsigi kerengerennen do la.

Sariyasan 56.

Minisiri nemogo bolono be se ka jukoromadondon ni minisiri sina ta ye.

Sariyasan 57.

Yanni n'u ka baara damine, minisiri nemogo ni minisiri ka kan k'u ka nafolo seben lase Sanfedan kiiribulon peresidan ma.

O seben be lakuraya san o san.

sariyasan 35 ka folen be boli guwereneman mogow kan.

Sariyasan 58.

Guwereneman baara ni wote joyoro te ben, a ni nemogoya te ben a kera jamana ta ye wo, a kera kenyereye ta ye wo.

Sariya kerengerennen do be fanga nonabilacogo nefo, joyorow ni baaradaw.

Mogo minnu tara guwereneman na, olu joyoro dili be ke sariyasan 63 ta focogo la.

Dakun V : Depite bulon kunkan

Sariyasan 59.

Bulon kelen de be depitew bolo.

Sariyasan 60.

Depite bulon magow be wele depitew.

Sariyasan 61.

Depitew be ta san duuru baara kama. U ka wote ye wotekelaw yere ka tali ye. Sariya kerengerennen do b'u ka wote jefo.

Sariyasan 62.

depiteya birifini be depitew kan. Depitebulon mago si te se ka nomine, k'a jini, k'a mine, k'a datugu walima ka kiiri bin a kan a ka kuma folen wala wote kelen koson.

N'a bolo ma mine boro kono, ni depite bulon ma jen n'a ye, a bulon mago si te se ka nomine walima mine kojugu keko la.

Hali ni tonsigi waati te, n'a bolo ma mine boro kono, ni depite bulon ma jen n'a ye, a bulon mago si te se ka nomine walima mine ka pangi fanga si fe.

Depite bulon mago mana mine a be bila ni depitebulon y'a jini.

Sariyasan 63.

Sariya kerengerennen be depitebulon magow hake fo, u ka musaka, u tacogo, ko min be u tali tiyen.

Sariya kerengerennen do be mago dow sigicogo fo minnu be Depite bulon magow nonabila sanni wote kura ce.

Sariyasan 64.

Mago te se ka kele a ka wotekumaw koson.

Depite bulon mago ka wote ye a yere kelen ta ye.

Nka sariya kerengerennen be se k'a yamaruya ka teme woteko kelen kan.

Sariyasan 65.

Depite bulon be labenw ke ka tonsigi ke senya fila san kono.

Sigi folo be damine okutoburukalo ntenen folo. A te se ka teme tile bi wolonwula ni duuru kan.

Sigi filanan be damine wairilikalo ntenenfolo, wa a te teme tile bi kononton kan.

Sariyasan 66.

Depitebulon be laje sigi kerengerennen na ni minisiri jemago, walima a yere kono mago caman y'a wele kuntilenna do la.

Ni tonsigi kerengerennen jinina Depite bulon fe, a be ban ni baara keta banna don min, walima tile tan ni duuru a daminedon ko.

Minisiri jemago be se ka tonsigi kura jini depitew fe kalo kelen ka kon u ka sigi bandon je; kuntilenna kerengerennen do kama.

Sariyasan 67.

K'a ni bɔ depitebulon ka ɲaniasigi, sigi kerɛnkerɛnnen bɛ dayɛlɛ k'u datugu jamana peresidan de fɛ.

Sariyasen 68.

Depite bulon b'a kɔnɔnasariya dilan. l'Depite bulon ɲɛmɔgɔ bɛ ta san duuru kama.

Sariyasen 69.

Depite bulon ka tɔnsigiw dayɛlɛlen don jama bɛɛ ye. Depite bulon bɛ se k'a lawuli ka jama bali taali ma, minisiri ɲɛmɔgɔ fana bɛ se k'o bali. Kɔnɔna sariya bɛ o ko yaara tige.

Dakun VI : Guwereneman ni Depite bulon cɛla kunkan.

Sariyasen 70.

Sariya fen o fen be ta depitebulon fe, fan min mɔgɔw mana caya, o de be jate. Nka nin sariyaba be minnu wele ko sariya kerenkerennen, olu tacogo be ke nin cogo de la :

Sariya te segesege n'a ma bila Depite bulon ka tabali kan tile tan duuru ka kon a lajedon ne.

- Walasa sariyaseben ka ta fo depitebulon mɔgɔ hake cayalen ka ben a kan.

Sariya kerenkeren te se ka forbaya fo Sariyaba kolosili kiiribulon k'a jira ko a yoro si te sariyaba sosɔ.

Sariya be nin taabolo ninnu kan,

- mɔgɔya josariyaw, fasodenw ka yerɛya kolosili walew, ko minnu waajibiyalen don fasodenw n'u bolofenw kan lakana hukumu konɔ.

- Malidenya, mɔgɔya josariyaw, mɔgɔw ka seko, furu sariyaw, tipe ni nilifenw, bolofenw sariya, jago ni kenyerɛye baaradaw ka ketaw:

- fagaliw, sariyasosɔ ani u nangicogow, kiiri bolicogo, karidanteko, mɔgɔ mineni ka di jamana were ma, jamana yafa, kiiritigesow sigiyoro, minisirisow ka jemogow taanacogo, kiiritigesow ka jemogow taanacogo.

- Faso baarakelaw taanacogo

- keleke jekulu ni lakanani jama taanacogo

- warimugu dilanni, jamana nafolo, nisongo hake sarata ni a kanicogo;

Feere dow fana be ye sariya be minnu latige ;

- mugufanga ni lakana labenw;

- baara josariyaw, mɔgɔya hakilisigi, jekulu w ka yerelafasaton

- cakedaw labencogo n'u ka sew

- kalan ni ninini

- seko ni donko lakanacogo

- Jamana nafolo jatebocogo

- Jamana baaradaw labencogo n'u segesege cogo

- nafolo ninisiraw boli kenyerɛye la, u boli jamana taya la, ani o yelema-yelemaw bee

- wote sariya;

- fasodenya tiladaw maracogo, u ka se dan ni u ka musakaw

- jamana mara tige daw

- faso togolafenw topotoli ni u dicogo mɔgɔ ma;

- soro labencogo

- kiirifanga labencogo

- kasow sariya

Depitebulon be Faso nafolo dantige a ka nafoloko sigi sen fe

Depite bulon be musakaw doncogo n'u bocogo dantige. Ale de be Marata ni magoneta woloma.

Sariyasen 71.

Depite bulon de be Jamana ni jamana were kele yamaruya. O ko jamana peresidan be kuma ta ka fasodenw ladonniya.

Sariyasen 72.

Teliyakun ni dansirikun be fo minisiriw ka sigi de fe. Nka u ka teme tile tan kan, depitebulon de kelen be se k'o yamaruya. Sariya do be ta o kama.

Sariyasen 73.

Ko o ko te sariya bolo kan, o be bila sirafolen bolo kan.

seben fen o fen tun be sariya bolo kan k'a soro nin sariyaba in tun ma ta, olu bee be se ka yelema dantigelikan do fe, ni Sanfedan kiiribulon jenna n'a ye.

Seben fen o fen tun be sariya bolo kan nin sariyaba talen ko, o te se ka yelema fo Sanfedan kiiribulon k'a jira k'a be bila sirafolen bolo kan, a fora ka teme cogo min sisan.

Sariyaw ni sirafolenw ka kan ka jensen jamana togola kunnafonigafe konon.

Sariyasen 74.

A be se ka ke, ko depitebulon sigi fila ni jagon ce, Guwereneman ka yamaruya jini depitebulon fe ka se ka ko dow ke, minnu ye depite bulon ka keta ye. O be ke peresidan cikan ye.

O cikan be se ka ta minisiri tonsigi senfe, nka fo Sanfedan kiiribulon k'a hakilinata fo folo.

O cikanw be se ka waleyali damine, nka sariya ye don min fo a kama, n'o temena k'a soro a yamaruyaseben ma bila depitebulon ka tabali kan, a ka sarati be fa.

Nin sariyasen dakun folo y'a fo cogo min, cikan ninnu te se ka yelema mogow were fe fo depite bulon ka sariya talen do fe.

Sariyasen 75.

Sariya dilan se dira Guwereneman ni depitebulon mogow ma.

Sariya hakilila be segege sanfekiiribulon fe, k'a kumasigi ke minisiri sigi do senfe ka soro k'a ci depitebulon na.

Sariyasen 76.

Depitebulon mogow ni guwereneman de be se ka yelema don sariyaw la. Ni kumasigi daminena, yelema fen o fen tun ma suda guwereneman la folo, a be se ka ban o ma.

Sariyasen 77.

Min ye nafoloko sariya ye, o be dajira depitebulon la kabini sigi min be ke nafoloko sigi ne.

Ni Depite bulon ma se k'a feta fo yanni nafoloko sigi ka damine walima n'a ma son jamannanafolokoseben ma, tile tan ni duuru o kofe, guwereneman ka kan ka segin k'a seben ladon walasa sigi kerengerennen do ka k'a kan.

O la, tile segin de be di depitebulon ma k'a feta fo. Ni ben ma se ka ke nafoloseben in kan, guwereneman be se ka teme ni baara ye k'a bolomada san temenen ka nafoloseben ye. Nka a be Sanfedan kiiribulon ka yamaruya jini folo.

Sariyasan 78.

Ni guwereneman y'a ka kumasigi ke, minisiri jemogɔ be a ka baara bolodalen dajira depitebulon na, walima a be jefoliseben do di a ma, ko a ka son k'o naniya to guwereneman ma.

Depite bulon be se banniwote do ke ka ban guwereneman ka jefolen o ma.

Nka o banniwote te sira sorɔ ni depitebulon tilako tan m'a bolono bil'a la.

wote te se ka ke ka kon leere bi naani ni segin je, banniwote seben bilali ko. A be jate ko son kera banniwote in ma ni depitebulon mogɔ saba tilako fila bolono yer'a kan. Mogɔ minnu sonna banniwote ma olu doron de be jate.

Ni banniwote ma sira sorɔ, a sebenbaaw te se ka dowerɛ dilan k'a ladon o sigi kelen in senfe.

Ni guwereneman y'a ka kumasigi ke, minisiri jemogɔ be sariya tata do dajira depitebulon na, ko a k'a to guwereneman yere k'o ta.

O sugu la, ni banniwote si ma ta leere mugan ni naani nata ce, o sariya be jate k'a tara.

Sariyasan 79.

Ni depitebulon ye banniwote do ta walima a ma son guwereneman ka baara bolodalen walima a ka jefoliseben ma, minisiri jemogɔ ka kan ka guwereneman bo baara la.

Sariyasan 80.

Walasa ka sariyasan 78 matarafa, depitebulon ka sigi bolodalen walima kerengerennen waati be se ka lajanya.

Dakun VII : Kiiritige setigiya kunkan

Sariyasen 81.

Kiiritige setigiya ka yereya b'a bolo ka nesin mara setigiya ni sariyata setigiya ma. O be waleya ni Sanfedan kiiribulon ni kiiritigeyoro tow ka deme ye.

Yereya fen o fen kofora ni sariyaba konon kiiritige setigiya y'olu lakanabaa ye.

Nin sariyaba b'a deme ka jow ni yereyaw bonyali kolosi.

ka nesin a ka se ma, a be Benkanfanga sariyaw laboli.

Sariyasen 82.

Sariya kelen pe de ka se be kiiritigelaw kan.

Kiiritigela minnu te jamana kanu na olu te yelama.

jamana peresidan ye kiiritige setigiya yereya lakanabaa ye.

kiitige sanfekorosigijekulu b'a deme o baara la.

kiitige sanfekorosigijekulu b'a janto kiiritigilaw ka baara taabolo la, a b'a feta fo kiiritige setigiya yereya ko bee kan.

Sariya kerengerennen do be kiitige sanfekorosigijekulu labencogo, a ka baara keta n'a baarakecogo nefo. Ka ben ni nin sariyaba ye, a be kiiritige joyoro dantige.

Dakun VIII : Sanʔedan kiiribulon kunkan

Sariyasen 83.

Sanʔedan kiiribulon kɔnɔ fangadaw ye ninnu ye :

- kiiriko bolosira
- marako bolosira
- musakako bolofara.

Sariya kerɛnkerɛnnen dɔ be a labɛncogo, a baarakɛcogo n'a welecogo nɛfɔ.

Sariyasen 84.

Sanʔedan kiiribulon nɛmɔgɔ ka kan ka ke kiiri dɔnɛiyatigi dɔ ye, jamana peresidan be min sugandi, ka da kiitige sanʔɛkɔrɔsigijekulu ka hakilila kan. Sanʔedan kiiribulon demɛbaa ye a dankan ye, min be ta o tacogo kelen na.

Dakun IX : Sariyaba kòlòsili kiiribulon kunkan

Sariyasen 85.

Sariyaba kòlòsili kiiribulon bɛ kiiri tige ka jɛsin sariyaba sòsòbaliya ma sariya tɔw fɛ. A fana bɛ mɔgɔninfin ka jow ni yerɛya lakana.

Sariyaba kòlòsili kiiribulon de bɛ cɛben don jamana ka forobabaaradaw ni jɔgɔn cɛ.

Sariyasen 86.

Diyagoya don Sariyaba kòlòsili kiiribulon ka kumasigi kɛ nin ko ninnu kan: sariya kɛrenkɛrennen ka sariyaba sòsòbaliya k'a sɔrɔ u ma forobaya.

Depitebulon, fasodenya sanfɛbulon ni sɔrɔ ni jɛtaa ni kodɔn bilasirabiro bɛɛ ka kɔnɔnasariya ka jɛsin sariyaba sòsòbaliya ma.

- Faso cakedaw ka jɔgɔnsama-sama baara tilacogo la

wote min bɛ talikɛ peresidan, depite walima awɔ-ayi kan, olu ka tilennɛnya.

Sariyasen 87.

Fangɔninina walima pariti, walima guwɛrenɛman ka ciden fɛn o fɛn ma jɛn ni wote dɔ ka tilennɛnya ye, o bɛ se ka Sariyaba kòlòsili kiiribulon wele.

Sariyasen 88.

sariya kɛrenkɛrennenw bɛ jira Sariyaba kòlòsili kiiribulon la minisiri jɛmɔgɔ fɛ yani u ka forobaya.

Sariya tɔw, yani u ka forobaya, u bɛ se ka jira Sariyaba kòlòsili kiiribulon la, peresidan fɛ, minisiri jɛmɔgɔ fɛ, depitebulon jɛmɔgɔ fɛ, depite tilakotan fɛ, Fasodenya sanfɛbulon jɛmɔgɔ fɛ, Fasodenya sanfɛbulon kɔrɔsigijekulu tilakotan fɛ walima Sanfɛdan kiiribulon yerɛ jɛmɔgɔ fɛ.

Sariyasen 89.

Sariyaba kòlòsili kiiribulon bɛ kalo kelen ta ka dantigɛlikɛ o ko kan, i ko sariya kɛrenkɛrennen dɔ b'a fɔ cogo min.

Nka, ni guwɛrenɛman y'a jini walima ni teliyakun bɛ ye, o tuma bɛ se ka dan tile segin ma.

Sariyaba kòlòsili kiiribulon weleli bɛ sariyaw o forobaya lajɔ fɔlɔ, bari sariya min bɛ sariyaba sɔsɔ, o tɛ se ka forobaya walima k'a waleya.

Sariyasen 90.

Benkan minnu kofɔra k'a ta sariysen 114 la ka taa se 116 ma, ka kan ka dajira Sariyaba kòlòsili kiiribulon la peresidan fɛ, minisiri jɛmɔgɔ fɛ, depitebulon jɛmɔgɔ fɛ, depite tilakotan fɛ, Fasodenya sanfɛbulon jɛmɔgɔ fɛ, Fasodenya sanfɛbulon kɔrɔsigijekulu tilakotan fɛ.

Kalo kelen bɛ Sariyaba kòlòsili kiiribulon bolo ka sɛgɛsɛgɛliw kɛ n'u yɔrɔ dɔ tɛ sariyaba sɔsɔ.

Nka, ni guwɛrenɛman y'a jini walima ni teliyakun bɛ ye, o tuma bɛ se ka dan tile segin ma.

N'a yera ko sɔsɔli bɛ yen, bolonɔ tɛ se ka bila o benkan ninnu kan, k'u sɛmentiya.

Sariyasen 91.

Sariyaba kɔlɔsili kiiribulon kɔnɔ mɔgɔw ye mɔgɔ kɔnɔntɔn ye, minnu bɛ wele ko kɔrɔsigiw, n'u bɛ ta san wolonwula kama. U tɛ se ka tɛmɛ tako fila kan.

Sariyaba kɔlɔsili kiiribulon mɔgɔ kɔnɔntɔn bɛ sugandi nin cogo de la :

- saba, ni sariyadonna fila bɛ minnu cɛ, olu bɛ ta jamana peresidan fɛ

- saba, ni sariyadonna fila bɛ minnu cɛ, olu bɛ ta depitebulon jɛmɔgɔ fɛ.

- sariyakalanden saba bɛ ta kiiritigɛ sanfɛ Kɔrɔsigijɛkulu fɛ.

Kɔrɔsigiw bɛ sɔrɔ sariya jɛfɔbaaw ye, awokaw ani kiiritigela minnu ye san tan ni duuru sɔrɔ o baara la, ani mɔgɔ yeleke minnu ye mago caman jɛ jamana ye.

Sariyasen 92.

Sariyaba kɔlɔsili kiiribulon jɛmɔgɔ bɛ ta kɔrɔsigiw fɛ u yɛrɛ cɛla yen.

Ni balilako nana, kɔrɔsigi min ka kɔrɔ tɔw ye, o b'a nɔnabila.

Ni banni kɛra walima kɔrɔsigi dɔ ka muruti, fangabolo min ka sugandilen tun don o bɛ kura dɔ ta k'a waati tɔ kɛ.

Sariyasen 93.

Sariyaba kɔlɔsili kiiribulon kɔrɔsigiya ni baara si tɛ tɛ se ka jɛ ka kɛ, a kɛra fangani ta wo, a kɛra wasaden ta ye wo, a kɛra baara werɛ ni nafasɔrɔsira fen o fen ye wo.

Sariyaba kɔlɔsili kiiribulon mɔgɔw bɛ kalikan dɔ fɔ jɔgɔnye kɛrɛnkɛrɛnnen dɔ senfɛ, jamana peresidan, depite bulon jɛmɔgɔ ni Sanfɛdan kiiribulon jɛmɔgɔ jɛna.

U kalikan filɛ :

«n bɛ n kali ko n bɛ n ka baara ciw kɛ, n tɛ si fusaya ni si ye, n tɛ gundo parata, ko n jogo bɛ kɛ ladiriya ni yɛrɛdɔn ye»

Sariyasen 94.

Sariyaba kɔlɔsili kiiribulon ka fɔlɛn tɛ se ka sɔsɔ. A ka se bɛ bɛɛ ta jɛ : foroba cakɛdaw, marafanga, kiirifanga, mɔgɔ gansan.

Sariyaba kɔlɔsili kiiribulon labɛncogo, a baarakecogo ni a welecogo bɛ sɔrɔ sariya kɛrɛnkɛrɛnnen dɔ kɔnɔ.

Dakun X : Wasadenya sanfe kiiribulon kunkan

Sariyasen 95.

Wasadenya sanfe kiiribulon ka se b'a yamaruya ka faamaw wele kiiri la : jamana peresidan, minisiriw ni depite bulon y'u lase a ma janfako la, sariyasosokow la k'u to baara la. O faama ninnu demebaaw fana be se ka wele bogɔ jeninen kan n'a yera k'u ye dankari ke jamana ka lakana la. walassa k'o sariya boli fo depitebulon ka wote do ke, a konɔ mogɔ saba tilako fila ka jen n'a ye.

Wasadenya sanfe kiiribulon bewaati sariyaw jateminɛ ani kojugukelenw suguya.

Sariyasen 96.

Depitebulon mogɔ de be Wasadenya sanfe kiiribulon mogɔw sugandi birosigi mana se. Ale de b'a ka jemogɔ ta depitew cela.

Sariya be Wasadenya sanfe kiiribulon mogɔ hake fo, a baarakecogo ani a welecogo.

Dakun XI : Fasodenya tiladaw kunkan

Sariyasen 97.

Fasodenya tiladaw be dilan ni k'u topoto sariya ka fɔcogo la.

Sariyasen 98.

Fasodenya tiladaw b'u yere ye mara siratige la. U yere ka korɔsigijekulu de b'u mara sariya ka fɔcogo la

Dakun XII : Fasodenya sanfɛbulon kunkan

Sariyasen 99.

Fasodenya sanfɛbulon ka ca ye ka pininiw ke, k'a hakilila fɔ netaakow kan, a kera sigidaw ta ye wo, a kera marabolow ta ye wo.

A be se ka ladilikan dɔw di guwerɛman ma ka nɛsin sigida lakanani ni fasodenw ka fusamanciya ma.

Ko o ko fɔlen be ni sariyasen kɔnɔ a si te waleya ni guwerɛnɛman ma Fasodenya sanfɛbulon ka miirinata sɔrɔ.

Sariyasen 100.

Fasodenya sanfɛbulon dagalen be Bamako. A be se ka yeɛma dugu were la.

Fasodenya sanfɛbulon te se ka ci

Sariyasen 101.

Fasodenya sanfɛbulon mɔgɔw be wele ko jamana kɔrɔsigiw

Fasodenya sanfɛbulon mɔgɔ si te se ka nɔmine, ka jini walima k'a kiiri ko a ye kuma dɔ fɔ Fasodenya sanfɛbulon nɔgɔnyew senfe.

sariyakerɛnkerɛnnen dɔ be jamana kɔrɔsigiw hake fɔ, u ka musaka, u tacogo, u balikun tali la, a jɔyɔrɔ ni baara min te se ka je ka ke, ani u nɔnabila cogoya.

Depiteya ni jamana kɔrɔsigiya te se ka jen ka ke.

Sariyasen 102.

Jamana kɔrɔsigiw be ta san duuru kama. wotekɛlaw beɛ sen te ye olu tali la.

Olu de be fasodenya tiladaw jɔyɔrɔ fa bɛnkafanga kɔnɔ.

Maliden minnu be tunka la, olu ka mɔgɔw be fasodenya sanfɛbulon la.

Sariyasen 103.

Fasodenya sanfɛbulon be tɔnsigi fila de laben a yere ma san kɔnɔ ni a nɛmɔgɔ y'u wele.

Sigi si te se ka teme tile bi saba kan.

Beɛ be se ka taa tɔnsigi keyɔrɔ la. Tɔnsigiseben dafalen be jensen jamana kunnafoniseben kɔnɔ.

Sariyasen 104.

Fasodenya sanfɛbulon nɛmɔgɔ be ta san duuru de kama

Sariyasen 105.

Ni minisiri nɛmɔgɔ ko ten, depitebulon ni Fasodenya sanfɛbulon be jen ka sigi.

A so fila nɛmɔgɔw be se ka nɔgɔnye boloda u ka fangaso ni nɔgɔn ce.

O nɔgɔnye ka kan ka tali ke geleya dɔ ye, min be sigida, mara ni jamana kan.

O sigi te se ka teme tile tan ni duuru kan.

Dakun XIII ; Sɔrɔ ni jɛtaa ni kodɔn bilasirabiro kunkan

Sariyasen 106.

Sɔrɔ ni jɛtaa ni kodɔn bilasirabiro ka baara ye jɛtaa ye, nafolo ta, mɔgɔya ta ni kodɔn ta.

Jɛkulu fɛn o fɛn mana sigi jamana nafolo, mɔgɔya ni kodɔn jɛtaa kama, a sen b'o la.

Sariyasen 107.

Sɔrɔ ni jɛtaa ni kodɔn bilasirabiro bɛ kunnafoni kafo jamana peresidan kama, guwɛrɛnɛman kama, depitebulon kama. A bɛ kɛ gafe ye, san o san, bari baarada caman mɔgɔw b'a la.

Sariyasen 108.

Sɔrɔ ni jɛtaa ni kodɔn bilasirabiro bɛ pininkan a hakilila la, ka jɛsin baara bolodalɛn bɛɛ kan, musaka sɛbɛn, yiriwali bolodalisebɛn, nafolosɔrɔ bolodalisebɛn ni seko ni dɛnko bolodalisebɛn, nafoloko sariya, mɔgɔyako sariya walima kodɔn sariya.

Sariyasen 109.

Sɔrɔ ni jɛtaa ni kodɔn bilasirabiro bɛ se k'a kɔnɔmɔgɔ dɔ bila ka taa kisa dɔ jɛfɔ jamana peresidan, guwɛrɛnɛman, depitebulon ye.

N'o kɛra guwɛrɛnɛman wajibiyalɛn don ka jaabi di kalo saba kɔnɔ, nka ni depitebulon de don, aɛ ka jaabi bɛ di ka kɔn waati sigi labandon jɛ.

Kabini sariya mana forobaya, a sɛbɛn kɛlɛn bɛ di Sɔrɔ ni jɛtaa ni kodɔn bilasirabiro Sɔrɔ ni jɛtaa ni kodɔn bilasirabiro ma. A bɛ jɛtaa baaraw waleyacogo kɔlɔsi min ye mɔgɔya ni kodɔn bɔ.

Sariyasen 110.

Sɔrɔ ni jɛtaa ni kodɔn bilasirabiro kɔnɔ mɔgɔw ye ninnu ye

- jɛkuluw lafasatɔnw, tɔnw, baarakɛla minnu sugandira u tɔjɔgɔnw fɛ.

- fasodɛnya tiladaw ka mɔgɔ sugandilɛnw

- Tunkarankew ka sugandilɛnw

Mɔgɔ kalannɛn dɔw bɛ biro la, minnu lafaamuyalɛn don nafoloko, mɔgɔya ni kodɔn la.

Sariyasen 111.

Sɔrɔ ni jɛtaa ni kodɔn bilasirabiro bɛ sigi fila de kɛ san kɔnɔ a yɛrɛ ma. A sigi kɛlɛn-kɛlɛn ye tile tan ni duuru ye. U ka jɛmɔgɔ de bɛ wele bila u ma.

Bɛɛ bɛ se ka taa u ka sigi la.

Sariyasen 112.

Sɔrɔ ni jɛtaa ni kodɔn bilasirabiro peresidan n'a dankan bɛ ta u yɛrɛ cɛma u ka sigi fɔlɔ sɛnfɛ, san duuru kama.

Sɔrɔ ni jɛtaa ni kodɔn bilasirabiro mɔgɔ si tɛ se ka nɔminɛ, ka jini walima k'a kiiri a ka kuma fɔlɛn kosɔn u ka sigi waati la.

Sariyasen 113.

Soro ni pɛtaa ni kodɔn bilasirabiro labencogo, a baarakɛcogo, a kɔnɔ mɔgow sugandicogo be pɛfɔ sariya kɛrɛnkɛrɛnnen dɔ kɔnɔ.

Dakun XIV : Mali ni jamana wɛrɛw cɛ benkanw kunkan

Sariyasen 114.

Jamana peresidan de bɛ benkanw don jamana ni jamana wɛrɛ cɛ. Kumarɔgɔnya min bɛ benkan dɔ pini, a ka kan ka kunnafoni olu bɛɛ kan.

Sariyasen 115.

ɲɛsuma benkan, jago benkan, jamana caman tɔnw donni, mɔgɔw cogoya kan, o fɛn o fɛn bɛ jamana dugukolo yɔrɔ dɔ tigeli, falenni walima farali kan, bolonɔ tɛ se ka bila olu si kan sango k'u yamaruya, fo ni sariya de ko ten.

Benkan tɛ waleya ni jɛn ma kɛ n'u ye. Jamana dugukolo yɔrɔ dɔ tigeli, falenni walima farali tɛ se ka kɛ ni fasojama ma sɔn.

Sariyasen 116.

Sɔn mana kɛ benkan min ma ka bolonɔ bila o la, o ka fanga ka bon ni sariya ta ye, nka o k'a sɔrɔ jamana dɔ in fana b'a batora.

Dakun XV : Farafinna kelenya kunkan

Sariyasen 117.

Mali Jemufanga be se ka benkan do don a ni farafinna gun jamana were ye, hali n'a be do bo a ka se la o kama walasa ka farafinna kelenya lasoro.

Dakun XVI : Sariyaba segesegeli kunkan

Sariyasen 118.

Sariyabaju segesegeli jenna ka di jamana peresidan ni depitew ma.

Depitebulon be wote ke Sariyabaju segesegeli bolodaliseben kan, a kono mogo saba tilako fila ka kan ka son.

Sariyaba segesegeli be jate k'a dafara ni awo-ayiwote sonn'a ma.

Sariyabaju segesegeli si te se ka ke ka damine walima ka laban k'a soro jamana fan do minenen don jugu fe.

Sariyabaju segesegeli te se k'a jini ka faso ka jemufangaya, diinekelen landibaliya ani pariti caya bo a la.

Dakun XVII : Kunceli labenkanw kunkan

Sariyasen 119.

Sariyabaju min be yen, o de be jate fo n'a yera k'a be ni sariyaba soso, walima ni a bilali seben kerengerennen bora;

Sariyasen 120.

Awo-ayi wote bena ke nin sariyaba la. Ni awo ye jaabi caman soro, CTSP jemogo b'a forobaya, sariya ka focogo la.

Sariyasen 121.

Mali jemufanga kono, se bee soroyoro ye sariyaba ye. Jamana fanga ka jemufangaya te se ka soso. Jamana denw yamaruyalen don ka muruti walasa ka jemufangaya lakana. Fanga bosi fen o fen, o be jate mogofaga ye fasojama fe.

Dakun XVIII : wete Furance labenkanw kunkan

Sariyasen 122.

Yanni fangadaw ka sigi sen kan, STSP ni Guwɛrenɛman b'i waso don foroba baaradaw labaara la, Faso jɛnamaya la, fasodenw lakana ni yereya latangali la.

Glossaire = dapɛw

Français

Article
Conseil
constitution
CTSP
décret
Délibération
Démocratie
Démocratique
égalité
Entreprise privée
Etat de siège
Exercer (un droit)
Grève
indépendance
Indépendant
Indivisible
Laique
Liberté
Motion de censure
Ordonnance
Poursuivi
préambule
Premier ministre
Proclamer
Promulguer
qualité
règlement
République
Syndicat
Social
Souverain
souveraineté
Sufrage
Titre
Torture
Urgence

Bambara

sariyasen
Kɔrɔsigijɛkulu
sariyabaju
SETEYɛSIPE
Dantigɛkan
kumasigi
jemufanga
jemufangama
danmakeɲe
kenyerɛye baarada
dansirikun
Laboli (ka jo)
Baaraseme
yeremahɔɔroya
Yerɛyatigi
tilabali
Diine kelenlandibaliya
Yerɛya
banniwote
Présidan cikan
nɔmine
ɲɛbila
Minisiri ɲemɔgo
Jensen
forobaya
fusamanciya
Sirafɔlen
Benkanfanga
jɛkulu lafasatɔn
mɔgoɲata
yeremase tigi
yeremase
wote jaabi
Dakun
nimatɔɔro
teliyakun